

楊文恪公文集

楊文恪公文集卷十一

寧海潘穎校正

後學陸時泰

朱冕編集

序

武寧縣志序

武寧爲南昌屬邑僻在萬山之間數十年來士
之事詩書者或無心以出而縉紳之東西者少
至部使者亦往往間歲一臨焉故在今郡邑中
以山縣稱甚者不考其實而忽其名即乎今而

輕乎古其原則係於典籍之無徵也四明馮公
潤卿視篆以來因訪舊志蕩然無復存者僅得
永樂間草創寫本閱之而知其槩乃言曰永之
舟溪陽山之區冊尚托諸文字以顯是邑也挈
而置之當不在壯哉者後唯是志有不就則前
美莫彰晚出弗勉殆相須以趨於輕且忽者而
終無以解乎人言矣遂走使豐城俾廉執筆從
事廉既至於所謂寫本者詢以故老之傳聞參
以舊家之譜牒而實以豫章一統諸圖志研精
三月始克就緒雖有愧於一家之言幸而傳之

夫人覽之知其山川如是人物如是風俗如是物
產如是戶口如是貢賦如是疆域如是古蹟如是
則於是邑也必不以易視之而聞風興起者亦將
以不少矣馮公引重之意其庶幾乎或副哉雖然
昔有作海賦而不道鹽者庶竊惧其鹵莽不止於
不道鹽也後之君子其是正焉馮公名琦起自賢
科其治縣存風教於法律之中寄精密於簿書之
外而人材之洗濯又歆鄒魯武寧者即此一舉而
其用心亦可見矣志凡八卷卷首并之以圖其不
小義例覽者當自得之

賀徐公懋經八十壽序

瓘山熊東昇於火巷徐公懋經甫為孫婿以公年八十授賀筆於予因與話及火巷之徐人皆知其出角陂角陂之徐人皆知其有矩山矩山登宋寶慶間進士任提刑終伯爵至于今日雖閭里三尺之童亦能道矩山之名是為吾豐偉人丁理宗度宗朝江南不附賈似道者文天祥數人而矩山獨以赤手障狂瀾是為吾省偉人似道權傾人主舉朝多以周公輔成王諛之而矩山嘗以公田之議忤似道是為有宋一代偉人予嘗於風晨月夜坐

談吾豐人物至於矩山先生必扼腕嘆曰後生晚
出何敢望其風采然求徐氏之族於火巷者語其
人則衣冠雅素矍然儒也語其居則屏几瑩潔光
可鑑也語其顯者則代不乏人而駸駸嚮用者又
有相摩於道也此非矩山詩書之澤所不斬者哉
抑有說焉牛犢起為豹蟬朱輪變為白屋世道無
恒尚矣而徐氏于今去矩山三百餘年獨能守其
家教教如一日是必族有長者相繼而維持之也今
徐公巍然之壽白鬢紅頰深衣幅巾歲禮於令為
鄉飲大賓此長者其維持乎徐族者欵是壽也不

獨為徐公賀當為矩山先生賀曰永尔之家教者
事有人然予未暇為祝詞者嘗聞古之達人以天
地為一朝萬期為頃臾彼三萬六千日予寔不鮮
以之而諛人話終錄其首尾付東昇為八十壽序

賀陳君善文四十序

予與善文姻兄相關不見者八九年今年春予至
坊山見君貌益豐碩異往時坐我新居中縣楹素
壁明潔可愛皆君所鼎新問其似續則曰尚復闕
此予亦有是慮相顧一笑未幾其族人相率賀其
四十初度能詩者詩於予則以序見談竊惟人年

之可賀正在此時耳何則精神健志慮強足以有
爲凡有可待駿尋老境則感慨係之所以建功業
者有髀肉皆生之悲爲文章者有聰明不及之嘆
髮短心長亦無及矣君體力有加於昔於先人之
舊田廬又能擴而大之精神志慮有爲可待類如
此宜諸公於此酌酒相賀而申之以詩也詩若干
省大抵效南山有臺體而雜以斯千熊羆之意效
南山所以美其德而祝其壽雜以斯千者冀其壽
寢之祥而弄璋之早也君溫仁坦夷天之所助定
如諸詩所云者君姓陳氏世家坊山云

員嶠熊氏族譜序

員嶠熊氏蔚然爲豐城鉅宗其先遷自下坊序下坊之譜者謂豐城之熊如鄒岡如松湖如鄴坑如官店如宣橋皆出番易太守縉之後而下坊又官店遷也始員嶠下坊合譜予過家婦夫君遠并謁其從叔祖彥秉出以見示且屬所以續之者予謂物之不齊物之情也欲一一而齊之難矣是譜之初亥派尚未若是其繁也及其後也益綿益延益昌益熾欲一旦而合書之其難也已故鄒岡自譜其鄒岡松湖自譜其松湖鄴坑自譜其鄴坑宣橋

自譜其筮橋官店自譜其官店豈非亦以合書之
難哉今員嶠之譜不若亦自譜其負嶠庶乎近而
易知簡而易詳而事或易就也彥秉君遠僉曰然
予乃爲之粗加隳括斷自原德爲員嶠之祖而清
江而毘澤而皆譜於員嶠者世系未遠又不得以
下坊例視之也於乎一人之身而爲千萬人之身
爲熊氏者其有味於老泉蘇氏之言哉

雲林行樂圖詩序

熊君順德豐城埂頭人也讀書不求用於世不得
已應人之求嘗爲鄉里子弟師性不耐聒復辭去

君之言曰良辰美景天與我以時白水青山地與
我以所吾幅巾杖屨往來乎其間聽鳥鳴之啁啾
泉聲之泠泠樵歌牧唱之亘荅則耳焉為之適觀
烟雲之藹上花木之欣欣猿升鶴舞之下上則目
焉為之適苔蹊草徑適吾之起而游楓根石磯適
吾之倦而憩當夫吾之樂是也棄堅驅良初不知
其豪彈絲吹竹初不知其美金張許史不知其貴
且榮也白台閭湏不知其艷且麗也鷦鷯之巢林
偃鼠之飲河吾知樂吾之樂而已他何所望哉君
既以此自多命工繪圖名曰雲林行樂於是乎能

言之士相率而詠歌之哀之咸卷介其子壻
生葉釗求予為序釗嘗從予受易穎敏可愛是固
有不容於辭者夫人固有園于雲林而不知其樂
者有欲求去之而不以為樂者田夫野老與木石
俱頑雖盡日周旋其間如嚼木札殊無意味假隱
捷徑者一出焉則與巖扉相絕如仇讐然自非草
芥功名而才足以品題風月嘲弄山水其孰能知
而樂之哉若能若其庶幾乎知而樂之者宜其不
以彼而易此也抑二程學於濂溪每令其尋仲尼
顏子樂處而明道亦有時人不識予心樂之句今

之樂與古之樂何如飲洙泗之水酌陋巷之瓢以披襟乎座上之風君進而有志否乎

八仙慶壽圖序

抗溪熊君彬持八仙慶壽圖屬予序之以爲導公竹隱先生七旬壽古今言壽必曰神仙蓋其保形鍊氣有長生久視之術其視人世真曉露風燈耳然朱子嘗云秦漢間所說仙人後來都不見了國初說鍾離權呂洞賓之屬後來亦不見了意其歷久無不散者然雖得壽在吾儒不甚貴也彼嗜盜元運之秘竊造化之機豈若吾儒之所謂壽而必

參於德者哉吾儒之論德有大小之分而壽有上
中下之異故曰大德必得其壽以大德如帝舜則
其壽底于百有十歲也士君子於此果何為哉亦
惟移慕神仙以慕聖賢移學修養以學修德則於
壽也固可兼而有之矣近可以貽後代之令名遠
可以扶綱常於千萬世將見後天地老而凋三光
著端在於是豈神仙之足云乎昔有問程子以修
養之術曰吾夏葛而冬裘飢食而渴飲節嗜慾定
心氣程子此言蓋修德中之修養也聖賢中之神
仙也請以爲竹隱先生告他日有言呂洞賓鍾離

權者則曰吾將從重華采藥於歷山之陽予姑退

同年會詩序

辛亥夏五月上澣予同年官于南都者率會飲于城西閨之靈應觀凡四十有三人大意以敦同摯之好而交相勸以德義也是亦歸於厚哉維時廣堂列坐緩酌交酬絲竹之奏既以清和樂語之呈無不嚴謹雍雍然及暮而歸信可樂也後日彭廷評汝言以書諭于衆曰丁未同年三百五十有一人同年之會至於今凡三舉矣始舉于京師之朝天宮是為戊申再舉于南都之永寧寺是為庚戌

至今復有是舉縉紳之好莫盛于此往者率未有
述古人云不有佳作何由雅懷諸君其圖之僉曰
然遂各有長短古律詩而廷評屬予序之予自登
科後是歲六月尋鑒南還康成前九月北上初會
洎再皆未預今歲首夏來官南都會而乃克預焉
夫是會既爲得預之始而獨有文字視昔加詳則
往者未得奉陪諸君之心亦可以少慰矣第愧謏
陋不工於詞然竊有聞焉昔宋張詠嘗言其榜中
得人之多如李沆之慎重王旦之深沉寇準之風
采皆歷數之至今以爲知言予同年中於數公豈

無有景仰之者又豈無曰姑舍是者幸相與共勉
之使後之人不以予言為夸使忠定之品藻不得
專美於宋則甚善矣其他固不暇及也是月中浣
序

封給事中馬公榮壽序

禮科給事中馬君舜達官南京逾年始迎其尊公
先生來就養舜達生長北方初疑東南風土或非
老人所宜久之諳其暄涼之調適而水陸之珍尤
所易致兼有都城之鉅麗而無化衣眯目之塵沙
乃決意是舉耳既而舜達以三載書滿復扶侍先

生以還蓋馬氏世居廣平爲簪纓鉅族歲時伏臘
往來鄭重宦途之適在先生誠不足以勝其鄉園
之樂而又有四丈夫子皆處於家客居固不足以
久留先生也先生去未幾得受封爲南京禮科給
事中於是科中洎光祿尚寶諸公追惟疇昔謂先
生之在南京當其七十誕辰吾輩嘗奉卮酒爲壽
是時先生出見客尚服隱者之服今年齡益峻命
服在躬想其儼然於高堂之上榮有加矣在吾輩
可無賀耶乃命廉爲文將以爲先生壽廉也奚文
之能爲第念與舜達進士爲同年仕爲同官交誼

甚厚又嘗獲拜先生以沾壽筵之餘瀝有不可得而辭者竊惟人所甚欲皆天之所甚恡而不輕以畀人者也矧得之多者乎自昔以七十為稀年而先生超而過之將趨耄耄期頤之上自昔以榮鄉為畫錦而先生帶諫垣之銜相羊閭里桑梓之間古今人有子仕於朝者未必皆有子以處於家而先生出有仕之樂而入有隱之趣則天所甚恡而不易得者皆畀於先生之一身而其積於己者不其厚哉先生天性敦朴忠厚有餘天之所畀者吾知其殆未艾也况舜達他日名位愈進而恩典

愈加不卜可知矣先生大父累膺 恩典贈至南京兵部右侍郎而亦自封給事中始此其先世之足徵者而廉又安得不有望於先生也哉先生字考嘗為太學生竟以不祿則其得之於天失之彼而收之此者固已遠矣自今其倍加愛護哉金陵之風景猶昨也庶幾再來

龍江贈別詩序

朝廷重長公主大昏之禮以客部主事翁君應乾擇駙馬於南北兩圻旬登山東河南之地君所至極搜訪精鑒別凡經二時跋涉道途幾千里邈迤

抵南都蓋自京師而來至於此而止且將還于朝
矣故事擇駙馬惟在姿風姿偉外觀而已君燕而
求備其內故事取必其人于父母之賢而已君則
并以察其身其意以為外間擇婿猶欲得子弟之
聰明知書史識道理如所謂坦腹東床者而况

天家乎若君可謂知所重哉以故輶車所歷有過
一省連數十郡不舉一人者不敢以易也君可謂
知所重哉夫世之論文章政事者類離而二之主
政事則嗤文章以為迂主文章則詆政事以為俗
然不有通儒全才乎君以丁未進士選翰林庶吉

讀書中秘作為言辭稱雄儕輩中內閣月試
在前列久之得拜今官方其挾策為文之時固未
見其當局何如也及一旦臨之以事如今日者乃
能如此則君豈易及哉君餘姚人經學獨有源委
餘姚之士習易自其大父始以易登甲科自其尊
公始故君承傳有自然須益造其極哉造其極則
雖功業掀天地有不難者矣周子曰志伊尹之所
志學顏淵之所學竊於君有望焉君行南都士大
夫悉有詩篇以為贈庶登科被選皆綴君後君復
責以不當持短章隨衆例因勉為之序云

贈周教授之任序

士之仕于藩封者實有輔導之責厥任果輕乎哉
古之人有事此職而不敢苟然為者其必有見於
此矣夫以帝王之資自與常人異然生長深宮之
中尊居臣民之上苟於朝夕獻替之間鮮得夫從
容納約之道其不至於齊門之瑟而廢禮生之醴
者幾希周君大用初以明經舉於有司齊國侯王
府教授既而以次下尚主得改任南渭下應吉
水桑園人其先永下初科崇述孟簡以下第連名
一甲自是而後下仕版者屢有其人君下學與仕

有得於家而所以為輔導者固宜有以與
夫否則其何以膺賢王之寵而至於婚其子而
始終體貌之不衰乎君去此之彼固易地則皆能
為之然豈可以是而遽自足耶我朝親藩分建
天下其初稱蜀府之賢為最雖其資稟特異學力
過人要之一時輔導之臣亦有其道耳今天下有
能談其人者君知之乎抑少師東里公吾省一代
偉人而君之鄉郡先輩也寔起家審理其所以舉
其職者鄉之故老豈無有能言之雖無老成人尚
有典刑在矧君家孟簡公亦嘗仕至長史君其以

數公爲師而所以匡其主儷美 蜀先王獨秀主
葉中此則 朝廷所以設官輔導以篤親親之意
而君亦可謂尊舉其職而不忝其鄉與家之前聞
人矣君之官取道南都冬官郎中夏君育才以其
子爲君壻也乃率鄉之搢紳爲詩以贈之而屬予
以序予因序以爲君告焉

伊洛源淵錄新增序

晦菴先生所編伊洛源淵錄自孟子以後道學宗
派具見于此庶嘗觀先生答呂東萊書則其爲錄
去取凡例悉有詳意而宏綱大旨初無遺憾焉者

但其間謂呂原明學佛事不必載而卒載之又謂
呂晉伯和叔事不當附而卒附之豈以錄成而未
暇於更定與然此豈惟先生之論廩固有疑於是
矣因謂先生之爲此錄既有未盡之意不若取先
生平日之言有及於伊洛者并以附之庶幾讀者
有所折衷而不昧於從違之間也用是輒采先生
文集語錄中議論增入于各條之下而於晉伯和
叔事亦別出之舊題藍田呂氏兄弟亦僭去之而
於寶文宣義正字之上各加呂字倣程張先生兄
弟例既成序其所以至於不爲入耳出口亦竊欲

自勉焉而不敢負大賢編集之意云

送劉生歸麻城序

予守制家居劉生天和奉尊君明府之命來從游焉始予以陸象山嘗譏范文正呂東萊居喪教授數四辭之明府不可或又謂朱子釋古人居喪不授業謂業者作樂之具古人遭喪不作樂非不讀書也彼教授者不過讀書講明耳兼以重違其意乃諾之時予憂且病生月亦止三五至如是者將半年而予之憂而病者亦半年而未已也生歸麻城來告別予念與生相處為日甚少而今之為舉

業者章章皆有字眼句句皆有主意以相處之暫
如此宜其語之不詳豈能遽有所益且予向之爲
此也自知其不工而今之棄此也自愧其已久以
不工之業當久棄之餘其無以副生之求者亦無
怪乎其然矣然觀生之資實可與進道而不止於
舉業者間嘗啓之又見其果有志而亦不安於是
焉於其行之迫而言之不得以盡也則約其辭以
告之曰昔伊川謂古者十五而入大學至四十而
仕中間有二十五年用工羨古人出仕之遲而得
以專力於學也又謂後之人自童穉已有汲汲趨

利之心蓋慮科舉之誘人而不得以久於學也今
生之舉業已可及第早晚決科未可知也予獨謂
宋諸大儒未嘗留意於科舉之學而往往能取進
士至晦菴亦嘗自言少時作舉業經義止於十五
六篇而已不寧惟是雖今之人有取上第者或作
舉業亦甚不多其人皆可縷數以是論之則舉業
之作豈在多乎哉予之為是言者非誠生絕不為
是也誠喜其資之可以進道而恐其為所奪也生
其勉之

劉秩秀才輓詩序

廡內第劉秩舅氏上杭司訓先生之季子也先生以諸生游邑校時早敎成秩令亦游馬每秋試必與之俱人輒謂劉氏父子定有捷者既而先生以歲貢士授今職略不以科舉不得為缺望者以有秩在也亡何秩遽以夭死傷哉秩遭母愛將免喪欲之上杭覲省蓋念即吉則不得去學校時秩之母兄和在荆湖乃往會以偕行竟得疾卒于南康之途次秩之死也人之哀之豈獨我輩蓋一時士夫於其視方至而哭於其丹旻方縣而臨于其壙而又復以其執紼之餘慟形而為篇什者累累也

和痛其弟之死於未達與天於是乎厲廉以序之
使傳焉嗚呼此可以知秩矣昔公父文伯死其母
敬姜據床而不哭以朋友未有出涕而內人多行
哭失聲者今觀於秩何如故曰可以知秩矣雖然
士友之於秩如此亦可以警薄俗矣歸諸和而藏
之庶後有所考焉

賀素菴先生七十壽序

廉曲江易菴舅近日過舍與家君坐譚間因言學
前素菴舅今年十二月壽周七十失記某日家君
聞之亟欲得日以爲賀偶憶易菴舅以所嘗重修

劉氏譜付家君校定猶在焉遂取驗之果爲
月生第其譜例不書始生之日莫可考見越數日
邑庠諸儒來取文以賀素菴舅之壽乃知誕辰則
二十又七日也廉嘗觀吾外氏之族其居學前居
曲江居南庄居梅岡其人讀書類忠厚謙謹不失
爲儒不然則亦退讓不能爲鬪爭事故在鄉黨間
不問可知其爲劉氏也劉氏自宋以來居學前曰
曲江曰南庄曰梅岡並自學前而遷也其間人物
在前代若斌之之浙東提舉元之之顓縣典史雖
官職之有隆有庠然皆足以亢其宗者至今人能

道之至於國朝若國學之助教今上杭之貳教
汀州之郡博俱以儒宦承其先世雖然此其仕者
耳若易菴素菴則又隱而傑然而儒者也素菴舅
明經教授鄉里不應公府之辟暮年林壑之趣尤
適蓋以郡博為之子能頻頻移俸以供滌灑之具
近時又居袁州月餘扁舟往來為興不淺是以
次子為宜春掾故耳今其壽也偕配范孺人同庚
一堂之上歸然齊眉此誠古稀之尤者其可樂也
已廉以母黨之親趨賀之心寔不在諸君後誤為
所譏不敢以不文辭焉

分類程氏遺書序

廡旣取程氏遺書以類分之或曰朱子門人嘗欲爲此朱子謂只恐言仁處或說義言性處或說命難於入類耳今果何如廡曰是誠有如朱子之所慮者但愚性善忘此書所記散出互見聚之一處則易於檢閱他未暇計也或又曰朱子之編此書以李端伯所記無錯置之有卷其餘則亦各有主名今若此不免亂之矣廡曰書在於人之善讀必拘於某人所記而不虛心以求之豈朱子之意哉或又曰善讀有要乎廡曰主敬以立其本窮理以

致其知此善讀之要也此朱子之所以詔我後人
也或者退因書之以詒觀者

楊文恪公文集卷十二

序

象山先生語類序

近世學者率未見象山先生之書而往往能指目其學徒以朱子之言家傳人誦而知之耳先生文集語錄寔出于世而學者遂不復契勘焉若是者不惟不知先生兼亦不知朱子朱子嘗謂子靜所說專是尊德性其學者亦多持守可觀則固有以處先生矣先生語錄無類不便觀覽庶僭類之鑒為十卷讀者誠能以朱子所謂尊德性之說而求

之則所以師我者固有餘地矣

贈舍憲蘇君提學江西序

國家於作養人材拳拳注意近歲以來慮校官或
不得人率網羅舉人以充之間有歲貢與夫他塗
者亦必甚嚴其選復慮提督憲臣或不得人時出
館閣以補之夫館閣之不外補也舊矣豈非獨重
茲任乎至於 璽書諄諄尤以迪正學爲言 列
聖相承其於人才可謂養之專而望之厚矣然今
天下之才其所成就則各有不同者其果係其人
資質之高下與夫自養自期待之不同乎嘗謂先

王之時道德一而風俗同正以自王公國都以及
閭巷莫不有學而教之之法且尤詳也今自都京
國學之外天下之廣庀偏州下邑以至窮鄉僻處
在在有學學之多幾倍於古矣而小學四書諸經
次第而治其教也亦云詳矣何道德之猶未一耶
雖然 天子公卿躬行於上而又養之專而望之
厚也如此則人才之三代其亦漸庶幾矣乎邇者
江西提學僉事員缺 廷議謂非翰林非學術道
德足以師表者不可乃以編修蘇君伯誠名聞
上曰俞命下之日咸謂得人於是與君厚善者謂

不可無言以贈謬屬之廉君抱負卓絕自其將胃
監時已知名海內由茲以往其大者固不出乎本
原之地若其條教之未可試一講之乎伊川謂月
試日使之爭不若改而為課今固已行之矣又謂
立檢察士人行檢法今或興或廢大槩亦多有之
矣然其爭也猶不止於試而檢察之籍記者所謂
孝廉如泥又不能無焉果將何以處之在伯誠必
有道矣

贈杜大守之仕序

於都勾之疆土設軍衛以守之而已於都勾

之生齒分長官司以治之而已至於今日重熙累洽王化所及無遠不屆則固不容於異視之矣近者廷議用巡撫重臣言府於其間而其守則擇人以充之官于是者亦固不容於異視之矣吾豐城杜君王節以廉州別駕滿九載擢守是邦於是爲都勻計者喜得王節之賢爲王節謀者稍疑都勻之遠而王節則初不問也喜王節之賢者以其爲二於廉上人歌其政既獲推恩上及其親而下以及其室且有今擢貳難於守猶爾况守乎宜都勻之人之將被其澤也疑都勻之遠者謂廉

已頻海踰嶺民猶相蹂躪而都勾西南夷之地其
入中原之版圖尤後其僻且夷殆不止於廉而已
惟吾王節則曰自吾之入廣趨廉也人以爲治廉
當如何居廉當如何比吾之至廉也惟知行吾之
志而已吾未嘗不安於廉而廉之人未嘗不安於
我則今之都勾猶昔之潯州也吾惡知其他哉鄉
之播紳聞其言以告予且命有以贈王節予曰王
節之言得之孔子曰言忠信行篤敬雖蠻貊之邦
行矣王節之言得之抑都勾雖新府而守之權尤
重蓋獨受璽書以往軍民夷苗惟其所治夫守

於郡既尊而都勻之守之權尤加於他郡守則吾
王節異日之所建立豈特如廡而已哉

盛處士輓詩序

康與盛掌教學于夔蚤年同遊邑庠既而其猶子治
後來授經因足知其尊公孟純先生之賢爲悉先
生平居儼然中絳對坐客清談竟日不爲世俗笑
語詡詡其行修之家而足以化其鄉其學雖不見
之于世而其私子若孫則未嘗不以致於用者期
之庶在邑庠時當有司歲舉鄉飲或有事其間輒
見先生巾絳而來歷階而升位在三賓之列蓋縣

之長貳學之師生固欲賓先生也先生卒成化庚子壽六十有九縉紳士皆有詩以哭之茲學夔以書滿至京師收拾諸詩而徵序於廉廉忝知其三世奚容辭爲先生別號探古翁孟純其字世家豐城其在宋南渡有遜溫如者與邑人于革去非齊名嘗偕謁晦菴朱文公有贈于盛二生詩今晦菴文集洎縣志皆可考見文公訪南軒張宣公還自長沙道經豐城亦造溫如之廬復有盛家洲之句則其前固有入矣學夔之進未已而治之取科第有可必者然則先生之屬意於後人其不負哉

崇孝錄序

歲丙辰廡釋先母服赴闕下時同計主事徐君壽卿方解官禮部奔其尊公一誠先生喪今年戊午廡以老父故得遂南請過家道漸因獲訪壽卿于麻溪之上而壽卿服已及禫矣相見感嘆而霜露之愴愛日之誠皆有不忍自已者坐定壽卿出所謂崇孝錄以見示夜久張燈閱之則一誠先生偕其配杜安人封贈之勅在焉墟墓之文在焉祭奠哀輓之作在焉壽卿憂戚中繕寫以鏤梓裝潢以成編上以尊君恩次以重朋情要其歸則

欲顯親於久遠也其用心不亦足尚哉先生安人
壽皆大耋以上其平生梗槩徵諸一制詞其詳細
攷諸行狀墓文其旁證而互見則散出於莫輓之
類後之欲知先生夫婦之賢者固不逾乎此矣然
吾壽卿老成端恪交于一時賢俊甚多聞見甚博
他日益加奮勵蔚爲名臣書之史冊使稱壽卿者
本其所自曰翁之家學毋之內教則所以顯親者
殆不止於此矣壽卿其務茲一誠先生字別號
一誠封承德郎禮部祠祭司主事杜安人蓋迄贈
云

戾塘熊氏譜序

豐城之熊多祖鄱陽太守縉若戾塘又自邑官店而倉步而再徙者也豐城祖景延戾塘祖銓今觀戾塘譜以景延爲一世明其所出也以銓爲七世見其所承也由銓而下著於譜二十有二世亦遠矣哉其譜嘗修于十一世國文復修於十六世彥清彥和彥昌茲又修於十九世曰鍊曰衍輩其法損益于歐蘇而不盡同然歐蘇抑豈盡同於古哉使宗支明而昭穆序亦云足矣嘗觀蘇譜所列世系甚近歐譜雖遠固有斷而不續者今熊氏譜列

至二十二世而事蹟無闕其屢修之力乎程子嘗
謂譜牒廢人家不知來處便戾塘熊氏之譜非此
三修之力其何以知其自倉步自官店自鄱陽也
耶熊氏世有人哉予於其留意於譜之一事見之
也雖然歐蘇之譜一經老泉六一之手遂皆名天
下二公皆文人猶爾而況不為文人者乎熊氏之
後益思所以自勵於熊氏某一日持其譜偕予從
叔父尚貴來徵譜之序予叔父娶于熊其其尊行
重違其意乃繫鄙語于首簡云

山谷先生詩集後序

涪翁先生之詩世多好之而得見其集者少也
時間有寫本出焉後有得而刻之者然非其集之
全也此編有內集外集別集或謂其詩乃洪駒父
幫刪集或謂其自分爲內外集外集即焦尾弊帚
兩編或謂李彤再爲外集黃螢復爲別集而其詩
蓋全於此矣此乃江右提學僉事蕭田黃君仲昭
家藏舊物而寧之邑校生陳氏沛沾兄弟之所刻
者也先生所爲詩文與其為人其出市一時師門
朋友之所推重者姑置勿論至於卓犖大儒之言
是以取信於後世者則有延平李子晦菴朱子焉

延平稱其謂濂溪周子人品甚高胸中灑落如光
風霽月爲善形容有道者氣象晦菴稱其慈祥孝
友復稱其詩精絕巧好無餘自成一家合而觀之
而世之論先生者於是乎定矣先生嘗遭章惇蔡
卞中傷實錄之罪貶涪州別駕黔州安置移戎州
嘗與趙挺之有隙轉運判官陳舉承風旨撻撻羈
管宜州所至輒治畦灌圃爲終焉之計泊然不以
遷謫介意非其了生死脫世累輕患難頽然與物
游惡能以至是哉先生每教人治經乃文章之
根治心養性之鑒又數與高僧游究竟禪悅其

得於儒釋未知其孰深使其親見所謂灑落光
之人而得尋仲尼顏子之樂自壯至老一意於至
敬窮理之學則其所造又未知如何也沛一日寓
書留都告廩曰沛等所刻山谷集已得東白張學
士序諸首執事其無靳一言且謂其先君鳳岐嘗
以涪翁邑前賢圖刻其集而未遂故其成此也勇
之甚是皆可書也書之俾置于三集之後山谷先
生初號涪翁則居涪州所更號姓黃氏其出處梗
槩則載之宋史云

皇明名臣言行錄序

近年彭刑書鳳儀有國朝名臣贊錄自謂錄攸
朱子宋名臣言行錄然或者議其所收大狹而廉
則惜其於諸公事蹟限於人載一篇而止未嘗兼
取博采悉如朱子所編之法似覺有所未備於是
過不自量輒於暇日繙閱國朝諸家文集與夫
記事之書於凡諸公之言行一以竊取朱子之法
類而聚之所愧聞見寡陋率易成之而於朱子之
所謂撝收其要者有未能焉矧朱子之書論者謂
其不特記諸賢之言行而已而於國家盛衰之故
亦隱然備見語及於此則豈廉之所能窺其藩籬

哉彭本贊論謹嚴悉以采入原所收三十一人今增至五十四人云

贈尚寶卿韓君考績序

士必有所養而後有所用方其無事之時於天下之理無不窮於天下之事無不講蓄之久而積之深一旦授之以任凡朝廷之大事体生民之大關係沛然無疑可以言之可以行之矣然事理無窮而人之所養亦或有限使一出而終身乎劬勩輻輳之途而無有以爲寧靜澄澈之地則前之明者未能以不蔽吾之所養日耗且竭而用亦爲之

漸窮矣此養之不可以不繼也南京尚寶卿韓
以辛丑進士授禮科給事中自居職以來所謂大
事體大關係侃上直言士論聽之非於事理窮之
熟而講之素者乎給事中今之言官也人知是官
之可以言而不知所言之亦未以易否則言矣果
有益於朝廷有益於生民乎果皆其大者而不瑣
屑乎此士之所以貴乎有所養也韓君其真有所
養與何其能言之如是也君以六載陞通政司右
叅議又五載調今職始之以禮科禮科之務雖清
而非簡也繼之以通政司亦云煩矣使君日五鼓

朝候 駕出 奉天門奏事退而理封駁諸務
居官恒如兩地又安知所養能如今日否耶茲來
留都居尚寶最清之局卯而入辰而出日得披閱
手載籍考求乎政務於理之已窮者愈窮於事之
已講者愈講由此而太任之來不亦尤沛然矣乎
君陝之慶陽人陝周秦漢唐之故都其人物未易
以舉 國朝以來司馬王公公度及今冢宰王公
宗貫皆一代偉人司馬之忠勇要有所本庶恨不
能悉其平生用力之詳至於冢宰退食之暇不離
書冊然惟五經四書緊要之書自餘亦不泛觀公

惟如此。其聲實所以大有異於人也。然則廉安敢不以君鄉人近時之彰在人耳目者望君也哉。入多惜君今在散地，庶乃爲君喜者，蓋知其養之既益靜而用之當益宏也。昔歐陽文忠居夷陵，其公事之簡，自謂無以遣日，而其後亦謂有得於夷陵，豈非閑散之日爲士君子培養之時乎？君滿尚寶卿，且三載將有獻績之行，司丞劉君暨給事張君合徵言以爲贈。尚寶偕六科列署，禁近吾儕朝夕與處，相得甚驩，不敢以不文辭焉。

贈劉太守德資陞任松江序

今東南財賦甲于天下而蘇松嘉湖尤甲于東南
朝廷視數郡之守殆與他省方面等其授之不輕
而重也非一日矣邇者松守員缺銓部以侍御劉
君上請 詔曰可士大夫聞卽報皆謂是郡在劉
君為宜登君成化戊戌進士出補松陽令莅官廉明
不避權勢貂璫漁利擾人必力沮之令上海齟齬
豪強禁不得肆隣邑有訟不決往往越境赴君譽
日以起尋陟南臺憲度嚴肅奉 璽書清戎西蜀
尺籍無隱漏民不稱冤士大夫謂宜者豈不以此
耶君將之官同鄉之仕于南都者咸欲得言以贈

君而祠部劉君景玉李君希先謬以見屬廉謂世
稱蘇松之難為者大抵財貨之易以溺人耳昔人
有言試使夷齊飲終當不易心廉聞君去上海邑
之糧長數十人惜君行李蕭然爭持五百金走數
舍地爲道路費君秋毫無取慰而遣之去任如此
則在任從可知矣作邑如此則作郡從可知矣上
海松之屬邑前無御史之風聲後無太守之尊重
當其為之已翕然稱理則於今日又從可知矣然
則君豈但宜於松而已哉或以君在臺端最久凡
天下公是非國家大政事其所預議固有火不得

而盡知者不特見之章奏而已今則歛之於一郡其規昔何如也竊謂此說未然郡守者一郡之休戚係焉它日進而係天下之休戚顧不自一郡始歟君表之宜春人字德資其所至尤以廉介稱

贈僉憲李君之任序

造化主於育物而雨露以生之霜雪以殺之不亦大相反乎不然也霜雪之殺正所以為生歲無秋冬不能為春夏論雨露之功又不若霜雪之功為尤大也朝廷建官之意以在外言之藩司者雨露也臬司者霜雪也是兩司之不可失職猶四時之

佐五行之吏之不可失其職也各得其職則歲功成而治化行矣靈寶李君宗善由南臺轉貪湖集洞庭瀟湘之漣江漢沅澧之濱雪霜之所不到肅殺之所未加者誰謂無之當此之時其有待於君也必矣將見憲節所指郡縣之貪污酷暴莫不望風而解印綬閭里之豪右武斷莫不畏威而歛跡所以為霜為雪者固將徧於湖省而窮簷蔭屋之下豈不熙々然得遂其生意乎君往居南臺綽有風采其所彈劾不避權貴章疏所陳九重之上多見俞允今日之擢得非帝心簡在者乎前

之南臺內焉霜雪之地也而所以為肅殺者尤難
為力君之所施已如此則不患湖省之人不被其
澤矣其行也湖省搢紳之在南都者如黃太常廷
威諸公咸徵言以為贈廉備負南科與君皆有臺
諫之責而聳交章以論事者忝在知君故以得行
其志為君喜且將以慶湖省之人之被其澤也於
是乎言

福建按察司副使郎公輓詩後序

福建按察副使致仕郎公既即世朝野公卿大夫
士相與作為詩章以哀之其子南京吏科給事中

滋字德潤哀而成帙屬廡序之廡後生晚進未得
望公履舄成化丁未與德潤同登進士第未幾德
潤以公年高陳情終養始知公齒德俱尊在林下
無恙也自是德潤問安視膳凡四年而公卒卒四
年德潤以服闋起授南京吏科給事中又其後三
年廡以親老乞南復得為同寅交誼甚厚因而知
履歷爲尤詳焉公諱勝字汝彬領正統辛酉鄉薦
明年試南省列名第九主司錄其經義以為式對
大廷賜同進士出身初授行人久之擢監察御史
又久之擢福建副使將滿遂致其事而去時年始

逾六十耳公為御史屢有論奏出清南圻戎徼來
視漕河皆著風采為副使督銀治歲課無損而不
逞之徒帖然以寧公之歸老日與鄉之故交遺民
約為社會取歸去來辭卒章語名其會曰樂天蓋
庶幾乎柴桑之風如是者凡二十餘年公性孝友
方仕時尊嚴封御史公在庭輒乘便過家留連旬
月而後去事二兄益謹公居家立朝與夫進退大
節皆足稱道取法宜其既歿而人哀悼之無已也
卽氏嚴之建德大家公年八十四封御史公亦年
八十公從父慶登永樂甲申進士歷官戶科給事

中河南按察僉事人謂卽氏世多壽考其仕宦率
不離臺諫風憲云然以公之孝友德潤之終養則
其家教蓋可見矣公歿十年德潤克舉其職朝
廷行推恩之典追贈中議大夫贊治尹煌煌
誥墟墓有光豈非公身後之慶哉詩若干篇僭序
于后俾讀之者有所考見也

贈溫江任先生受封還鄉序

溫江任先生因其子漢宗海任南京監察御史而
朝廷有推恩之典乃辭攸縣丞來宗海任以就封
焉未幾命下進先生爲監察御史元配張今配

羅俱爲太孺人宗海亦加散秩其前室鄒繼室溫
俱爲孺人同日之間任氏一門父子姑婦內外受
勅者六人人皆稱宗海之能舉其官而先生積德
教子之所致也居亡何先生動西歸之興宗海懇
留之先生曰自吾與汝出仕以來先祠之蘋藻久
違丘隴之松楸弗視不聞中世士大夫以官爲家
而隴岡之上無復有子孫臨之之誚乎吾惟有故
鄉之念所以棄此卑冗之職吾豈久於此乎吾歸
矣宗海復跽願少留先生曰不聞灩澦如馬瞿塘
莫下灩澦如象瞿塘莫上之說乎今霜降水涸吾

不趣此以遡岷峨之江來歲春夏之交巴蜀雪消
三峽險惡吾將奚往乎吾歸矣於是蜀之仕于南
京者謀有以贈先生監察御史趙君克用以廉與
宗海同年屬為之序廉聞先攸縣之政甚有古意
以其民之踈於禮義也嘗選古詩之關於倫理風
化者鈇梓摹印散之鄉村俾人人諷誦有所興起
以其科目之恒乏人也拔子弟之秀者聚之庠舍
俾肄業其中以其民之強梗不率也召父老子庭
反覆戒諭俾就約束是民俗稍變而租賦歲逋
者亦爭輸恐後矣他日新廟學泮河梁建巡司小

者舉行大者轉聞未易悉舉先生字某中成化辛
卯鄉試筮仕光祿署正恪恭厥職久之以他官事
降攸縣丞至是奉 新詔凡京官公事註誤降者
復原品先生在例中或謂宜少待先生笑曰吾頭
顱如此復奚望哉遂決於解官而去先生其知命
之君子與先生歸矣風和日暖尋杜子美之草堂
濯纓于浣花溪上其樂殆未易盡述也是為序

楊文恪公文集卷十二

楊文恪公文集卷十二